

LXXXXX

صافی: ۷

مارت ۱۳۳۳ - ۱۹۱۷

شماره: ۲

دارالفنون

حقوق فائز و لیترا مجبور

حقوق، سیاسیات، اقتصادیات

ایکی آبدیه برنشر اولنور

مندرجات:

قسم حقوقی:

موجره مستأجرک اموالی اوزرنده یخس ایدیلن حق رجحان [مصطفی رشید]

قسم اقتصادی:

موازنه تجارت و موازنه حسابات [فره درخ هوفان]
آلمانیا ده رسوم و تکالیف [آنتون فلهق]

آلمان ایمپراطور اغنده حقوق امتحانلری [والتر شونبورن]

استانبول - مطبعه عامره

۱۳۳۲ - ۱۳۳۴

آلماياده رسوم و تكاليف

— ۳ —

(بشنچي نسخه دن مابعد)

بالطبع تداول رسومي حاصلاتك بودرجه ترايدى يالكز نسبت رسوميه نك تزويدن ايلرى كله يوب نفوسك تكثيرى نتيجه سنده مملكتده معاملاتك آرتمه سى دخى بوكا پك زياده تاثير ايتشدرد . مع مافيه بش سنه صكره ۱۴ حزينان سنه ۱۹۰۰ تاريخلى قانونيله وقوعبولان تعديلات ايله ثابت اولمشدر كه ۱۸۸۱ سنه سنده رسومك برنجى دفعه اوله ورق طرح وقبولى صره سنده و ۱۸۸۵ و ۱۸۹۴ سنه لرنده تعديللى مناسبيله وقوعبولان مخالفته رغماً بوقيل ويركيلر بويوك برانكشافه مستعد ايديلر . چونكه ۱۹۰۰ تاريخلى قانوننده شمدي يه قدر تعداد اولنان تمغا رسومك تزويديله ا كتفا اولنم يوب (قسماً نصف وقسماً ايكي الى بش مثل درجه سنه قدر) موقع تداوله اخراج اولنان اسهامه مخصوص رسومه علاوه Kuxo يعنى معادن شركتلى اسهامى ايچون بىك رسملر طرح وتعيين اولندينى كى اوراق نقله ايچون دخى آرى آرى رسملر احداث اولنمشدر . بوضورتله تزويد اولنان تداول رسومي نتيجه سنده تمغا رسومي حاصلاتى پك زياده آرتنمشدر . مع مافيه بوتزايد تخمين اولندينى درجه يه بالغ اوله مشدر :

بيك مارق اوله ورق

سنه	حاصلات	سنه	حاصلات
۱۸۹۹-۱۰	۵۴۰۶۵,۶	۱۹۰۲-۳	۷۷۶۲۹,۵
۱۸۰۰-۰۱	۶۵۳۰۹,۸	۱۹۰۳-۴	۷۲۴۱۱,۳
۱۹۰۱-۰۲	۷۰۶۴۲,۲	۱۹۰۴-۵	۷۸۳۵۶,۵

۱۵ حزينان سنه ۱۸۹۵ تاريخلى قانون ايله اسپرتو رسومنده وقوعبولان اصلاحات خزينه ايچون فضله واردات استحصالى مقصدينه معطوف اوله يوب اخراجات ايچون ويريلن اكراميه لره قارشولق بولق مقصدينه تأسيس وعينى زمانده بوخصوصده كوچك اسپرتو اعمالا تخانه لرينى حايه ايتك مقصدى دخى تعقيب اولنمشدر . [۱]

[۱] كرك ته كيك وكرك مالى نقاط نظرندن پك مشوش اولان اسپرتو رسومك تفرقاتى خفنده بوراده ايضاحات وبريله ضرر .

بومقصد موجود اوج نوع رسومہ یکی بر رسم علاوہ سیلہ تأمین ایدیلہ بیلمشدر .
 بویکی رسمہ Brennststeuer احراق ویرکیسی نامی ویرلمشدر . واغیر بوویرکی بی رسوم
 استهلاکیہ بر ضم قیلندن اوله رق اعمالانخانه لک نوع وجنسہ ، مقدار و درجہ
 اعمالانہ کورہ تعیین اولسان و برطرفدن بویوک فابریقه لک اعمالاتی تحدید ، و دیگر
 طرفدن کوچک فابریقه لک اعمالاتی تشویق و ترغیب و رقابتہ قارشی حایہ ایتمک
 مقصدلرینی تعقیب ایدن بر رسم مایهتندہ تصویر ایدیور . اسپرتو رسومنک بالجمله حاصلاتی
 ۱۲ سنہ طرقدہ بروجه آتی اولمشدر . [۱]

سنہ	حاصلات	سنہ	حاصلات
۱۸۹۶	۱۴۲۴۸۹,۰	۱۹۰۲	۱۴۱۰۷۹,۰
۱۸۹۷	۱۴۳۶۴۲,۲	۱۹۰۳	۱۳۹۸۳۰,۵
۱۸۹۸	۱۵۵۵۶۲,۵	۱۹۰۴	۱۳۴۳۳۱,۳
۱۸۹۹	۱۵۱۷۱۹,۶	۱۹۰۵	۱۴۳۶۶۷,۲
۱۹۰۰	۱۵۱۷۶۴,۳	۱۹۰۶	۱۴۰۹۱۷,۷
۱۹۰۱	۱۶۳۹۰۱,۹	۱۹۰۸	۱۶۲۶۶۰,۱

عصرک نہایتندہ موقت صورتدہ وقوعبولان تزايدن صکرہ یوقاریدہ کی جدولدن
 آکلاشلدینی وجہلہ حاصلات همان عینی درجہدہ قالمشدر . [۲] ۱۸۹۱ سنہ سندہ شکرہ
 اولدینی وجہلہ اسپرتودہ دخی ۱۸۹۵دہ آچقندن آجیفہ اخراج ا کرامیہ لریزک تطبیقنہ
 باشلامشدر . (هکتولترہ باشنہ آتی مارق) . بوا کرامیہ لره قارشولق اولق اوزرہ
 Brensteuer دن حاصل اولان فضلہ حاصلات تخصیص اولمشدر . یوقاریدہ کوستریلن
 رقلردہ ا کرامیہ لر تخصیصاتی داخل دکلدہ .

۲۷ مایس ۱۸۹۶ تاریخندہ شکر رسومندہ اجرا ایدیلن تعدیلات ایلہدہ بوکا ممائل
 بر مقصد تعقیب اولمشدر . رسوم استهلاکیہ ۱۰۰ کیلو شکر باشنہ ۱۲ دن ۲۰ مارقہ ابلاغ
 اولمشدر . عینی زماندہ اخراج ا کرامیہ لری دخی تزید ایدلمشدر . بو تزايد ایکی مثل

[۱] Denkschriften band اثرینہ کورہ حساب ایدلمشدر . a, a O. صحیفہ ۶۴ Statistisches

Jahrbuch a, ao صحیفہ ۳۶۳ .

[۲] ۲۸ حزیران ۱۹۰۰ تاریخلی بوندسرات قراری موجبنجہ مواد ابتدایہ رسوم ۱ تشرین
 اول سنہ ۱۹۰۰ تاریخندن اعتباراً آنجق رسوم استهلاکیہ ضمیمہ تحصیل ایدلمشدر .

درجه سنده در شکر استحصالاتی دخی قیود و تحدیداته تابع طوئش و تحدید اولنان درجه دن فضله اوله رق و قوعبولان استحصالاته ۲,۵۰ دن عبارت بر رسم ضم اولنشد. [۱] یکی بر ایشله تمه رسمنك وضع و طرحی صورتیه كوچك شکر فابریقه لرینك بویوك فابریقه لره قارشی حمایه سی مقصدی تعقیب اولنشد. بو ایشله تمه رسمی سایه سنده فابریقه لر درجه اعمالانه كوره رسمه تابع طوئشدر. یوكسك و متزاید اخراجات اكرامیه لرینه رغماً [۲] شکر رسمی مهم بر فضله حاصلات ویرمشد. بوده آتیده کی جدولدن تظاهر ایدر. (۱۹۰۸ تاریخچه قدر سنه مالیه ۱۹۰۸ سنه سندن اعتباراً ایشله تمه سنه سیدر.)

بیك مارق اوله رق			
سنه	حاصلات	سنه	حاصلات
۱۸۹۶	۹۳۲۲۳,۲	۱۹۰۵	۱۴۱۰۵۱,۷
۱۸۹۷	۸۴۲۵۵,۴	۱۹۰۶	۱۴۵۸۴۴,۹
۱۸۹۸	۹۶۶۷۵,۹	۱۹۰۷	۱۵۰۰۰۹,۵
۱۸۹۹	۱۰۴۷۲۹,۰	۱۹۰۸	۱۵۷۲۲۴,۵
۱۹۰۰	۱۲۳۴۵۱,۰	۱۹۰۹	۱۵۸۴۷۴,۵
۱۹۰۱	۱۰۶۱۸۶,۲	۱۹۱۰	۱۷۳۲۶۳,۲
۱۹۰۲	۹۸۱۶۶,۲	۱۹۱۱	۱۵۶۵۴۹,۳
۱۹۰۳	۱۰۱۹۰۵,۱	۱۹۱۲	۱۸۱۳۳۱,۷
۱۹۰۴	۱۲۸۳۱۱,۲	۱۹۱۳	محارنه دولایسیله هنوز انتشار ایتمه مشدر

۱۹۰۴ سنه سندن اعتباراً و قوعبولان تزاید حاصلات بر سبب مخصوصدن ایلری کلیر. شکر استحصال و اخراج ایدن مملکتلر طرفندن تعقیب اولنان سیاست اولجه ذکر اولنان اكرامیه لر اصوله میدان ویرمش بوسیاست انكلكترده آلمان شکرینك آلمانیادن دها اوجوز صاتیلمه سی کبی بر نتیجه غریبه ویرمشد. بوتون علاقه دارلره ایراث ضرر ایدن بواحواله آنجق بین الملل برائتلاف سایه سنده خاتمه کشیده اولنه بیلیردی [۳]. بوائتلافك احکامی موجبنه ۶ کانون ثانی ۱۹۰۳ سنه سنده آلمانیاده الآن مرعی و معتبر اولان یکی

- [۱] عینی زمانده خارجدن کلن شکره مخصوص کومروك رسمی تزیید ایدلشد.
 [۲] اخراجات اكرامیه لر ۱۸۹۶-۷ سنه سنده ۲۵۰,۱ ۱۸۹۷-۸ سنه سنده ۳۶,۷,
 ۱۸۹۸-۹۹ سنه سنده ۳۴,۹ ۱۸۹۹-۹۰ سنه سنده ۳۳,۳ میلیون مارقه بالغ اولمشدر.
 [۳] محاربه اولسه ایدی بوائتلاف ۱ ایلول ۱۹۱۸ تاریخچه قدر مرعی و معتبر اوله جقدی.

برشکر قانونی نشر و اعلان اولمشدر. بوا حکامک الک مهملری اخراجات ا کرامیه لرینک لغوی و بوسایه ده رسوم استهلاکیه نک ۱۰۰ کیلو باشنه ۲۰ دن ۱۴ مارقه قدر تنزیلندن عبارتدر. بوندن ماعدا استحصالات تحدید وایشله تمه رسومی حقنده کی احکام لغو ایدلمشدر [۱].

بقانون ایله اصلاحات عمومی مالیه دوره سی اطلاقه سزا اولان دوره نک هره فسنه کلش اولورز. ۱۹۰۰ تاریخده وقوعبولان تمغا رسومی تعدیلاتی یوقاریده بالمناصبه ایضاح اولمشدر. عینی زمانده یک مهم اولیان شلمپاتیا رسمی دخی وضع و قبول اولمشدر. بوراده یکی ویریکله سبیت ویرمش اولان احتیاج مالینک تزیادی حقنده برقاچ سوز سوبله مک لازمکلیر.

* *

قاپریونک کومروک معاهده لریله باشلایان قوتلی انکشاف اقتصادی بالطبع ایمپراطورلغک احوال مالیه سنه دخی اجرای تاثیر ایدلمشدر. ایمپراطورلغک احوال مالیه سی اودرحه مساعد ایدی که ۱۸۹۵ دن ۱۸۹۹ سنه قدر مختلف دولتره دور وحواله لر ویرلدیکی کبی ۱۴۳ میلیون درجه سنده دیون عمومی اطفای ایدلمشدر. [۲] مع ماقیه بومنونیتبخش احوال یالکز ظاهری بر ماهیتی حائر ایدی. چونکه ۱۸۹۴ دن ۱۹۰۳ سنه قدر دیون عمومی بر میلیار قدر چوغالمش و بوسورتله آلمانیا نک دیون عمومی سی اوج میلیاره بالغ اولمشدر [۳] دیمک اولیور که ۱۸۹۴ دن ۱۸۹۶ سنه قدر و ۱۹۰۰ سنه سنده وقوعبولان مختلف ویرکی اصلاحاتی سایه سنده تزیاید ایدن واردات مصارفک تزیادی درجه سنه بالغ اوله ممشدر.

تسلیقات عسکریه ایچون وقوعبولان مصارفدن ماعدا ۱۸۹۸ سنه سندن بری شدتله تعقیب اولنان مستملکات سیاسی، و ۱۸۹۸، و ۱۹۰۰ سنه لرنده قبول اولنان دو تنما پروغراملری دولایسیله وقوعبولان مصارف ایمپراطورلق بودجه سنک موازنه سنی

[۱] شکره مخصوص کومروک رسمی بروکسل معاهده سنک III ماده سی موجبجه داخلی رسوم استهلاکیه ایله کومروک رسمی اره سنده کی فرق انجق تصفیله شکر ایچون ۱۰۰ کیلو باشنه ۴۰،۸۰ وخام شکر ایچون ۱۰۰ کیلو باشنه ۴۰،۴۰ مارقدن عبارت اولمیدر. شکره مخصوص کومروک رسمی ا کرامیه ویرمه بن مملکتلر موارداتی ایچون ۱۸،۸۰ و بعضاً ۱۸،۴۰. دیگر مملکتلر موارداتنه قاوشی ۴۰ مارقدن عبارتدر.

[۲] Eheberg ایمپراطورلق مالیه سی فصلی. اداره دولت علملری اثری جلد ۷ صفحه ۶۵

[۳] Gerloff صفحه ۳۶۵ و ۵۲۱: استقراضلر ۱۱۴۶۴ میلیون مارقدن عبارتدر.

اخلال ایلشدرد. ۱۹۰۰ سنه سنده تطبیق اولنان تمغا رسومی اصلاحاتنه کومروک رسومنک [۱] تزیدینه رغماً ۱۹۰۳ سنه سنده برنجی دفعه اوله رق مصارف عادیه نك انجق استقراض ایله قیادله سی ایجاب ایتشدرد. ۱۸۹۸ تاریخی دوتما پروغرامنک ۸ نجی و ۱۹۰۰ دوتما پروغرامنک ۶ نجی ماده سی موجبجه ایمپراطورلق اداره مالیه سی دوتمانک قویه سی ایچون یاییلمه سی لازمکلن فضله مصارف قارشولقنی بالواسطه تحصیل اولنان استهلاک ویرکیلرینک تزیدی صورتیه تأمین ایتمه مکه تعهد ایتشدرد. بو ماده ده موضوع بحث اولان استهلاک ویرکیلرندن مقصد بیرا، اسپرتو، طوز، توتون شکر و شرابدن عبارت اولدینی تصریح اولمشدرد.

بوصورتله ۱۹۰۰ سنه سنده خلق تصدیق ایتمان تمغا رسومنک تزید و توسیعندن ماعدا یالکز برشامپانیه ویرکیسینک طرحه موفقیت حاصل اولمشدرد.

اقلیمی و تاریخی اسبابدن دولایا کثرتاً زنکین اهالی طرفندن استهلاک اولنان شراب ایچون بوتون ایمپراطورلقه شامل یکنسق بر رسم طرح اولتمه مشدرد. شراب یالکز جنوب غربی آلمانیاده محلی بر رسمه تابعدر. شامپانیا مکیفاتدن اولدینی ایچون بوتون ایمپراطورلقده رسمه تابع طوتلشدرد. ۹ مایس سنه ۱۹۰۲ تاریخی قانون موجبجه اوزومدن معمول شامپانیا ایچون باندربول شکنده اون پهنیغ رسم تعیین اولمشدرد. مالی نقطه نظرندن یوقاریده ایضاح اولدینی وجهله و ازجمله دوتما پروغرامنده کوستریلن مصارف قارشولق اولدینی نظر اعتباره آئیرسه شامپانیه ویرکیسی بسبتون اهمیتزدرد. شامپانیه ویرکیسینک حاصلات صافیه سی ناطق آئیده کی ارقامدن دخی بورسمک اهمیتزلیکی میدانه چیقار:

۱۹۰۲/۰۳ سنه سنده ۵,۲ ۱۹۰۳,۴/۴ سنه سنده ۴,۴ ۱۹۰۴,۰۵/۴ سنه سنده ۴,۹

۱۹۰۵,۰۶ سنه سنده ۵,۳ و ۰۷ - ۱۹۰۶ سنه سنده ۵,۵ میلیون مارق.

۶ کانون اول ۱۹۰۳ سنه سنده تعدیل اولنان شکر رسومندن وقوعبولان تزایده رغماً سیاست مالیه موافق اوله رق ایمپرارلق بودجه سنک موازنه سی تأمین ایتمک ممکن اوله مشدرد. مصارف وارداتدن فضله تزاید ایدیوردی. ۱ حزیران سنه ۱۹۰۶ و ۶ نیسان سنه ۱۹۰۸ تاریخی اوچنجی و دردنجی دوتما پروغراملری مصارف عسکریه نك آرتمه سنه سبب اولمشدرد. ۱۹۰۴ سنه سنده ۲۵۶ ۱۹۰۵ سنه سنده ۲۶۳,۱ ۱۹۰۶ سنه -

[۱] ۱۴ حزیران ۱۹۰۰ سنه سی قانونی (بیرا، اسپرتو، شامپانیا، لیکور)

سنة ۲۷۷,۲ ميلون مارقلق استقراضلرك عقدى (۱) دائمى وكافى وارداتك استخصال وتأمينى وفوق العاده بودجه نك تخفيفى مقصديله اساسلى اصلاحات ماليه اجراسى ايجاب ايدر. بواصلاحات ماليه دوره سى يوقاريده ذكر اولتان Stengel قانونى ايله باشلامشدر. ۱۴ مائس سنة ۱۹۰۴ تاريخلى اولان بوقانون احكام سائر دن ماعدا فرانكشتاين ماده سى موجبنجه دول اتحاديه دور وحواله اولتمه سى لازمكلى ويريكلر حقيده دى پك مهم تعديلاتى حاوى بولنور. اسپر تو رسمى حاصلاتندن وقوعبولان دور وحواله لره شراب ومواه ابتدائيه ويريكلرى حاصلاتى دى علاوه وبوصورتله اسپر تو رسمكلى بوتون حاصلاتى دول اتحاديه دور وحواله اولتمشدر. بوكا مقابل كومروك وتوتون رسومى حاصلاتندن ويريان تخصيصات ايمپراطورلىق خزينه سى حصر اولتمشدر. بوصورتله دول اتحاديه بابيلان حواله لريالكنز نغا واسپر تو رسومندن اجرا اولتيوردى. بوكوچك اصلاحات ماليه ايمپراطورلىق احوال ماليه سى تاساسندن اصلاح ايتكم خصوصنده مأمول ايديلن نتيجه نى تامين ايدمه مش، و بونك ايچوندركه ايكي سنة صكره يكيدين تعديلات احراسته لزوم كورلمشدر. شمدى به قدر ويريان ايضاحات وجهله كثرى دولاييسيله بوتون تعديلات لايحه لرى كوزدن كچيرميرك فعلاً وقوعبولان اصلاحاتدن بحث ايتكمكه اكتفا ايدمكجز. شته نقل قانونى يكي ويريكلر طرح ايتكمكه ۲ تموز سنة ۱۹۰۶ تاريختده موجود اولان ويريكلرى دى مهم صورتده تعديل اوهراتمشدر. بيرا وتوتون ويريكلرى بوقيلنددر.

بيرا ويريكىسى ۱۸۹۸ سنة سنده شمالى آلمانيا وه سىن ايچون نشر ايديان قانونه استاد ايدبور. بوقانون ۳۱ مائس ۱۸۷۲ سنة سنده «شمالى آلمانيا بيرا ويريكىسى اتحاد» ينه داخل ممالكده معدل اوله رق تطبيق ايدلمشدر. «بيرا ويريكىسى اتحاديه» باويه را، باده، وورتنبرغ وآلساس لورن داخل دكلدر. بو مملكتلرده كنديلرينه مخصوص بيرا ويريكلرى واردر. اورالرده استخصال اولتان بيرالديكر ممالك اتحاديه ادخال اولدينى وقت بر [۳] رسم تحصيل اولونور. بوندن ماعدا مذكور

(۱) غرلوف a. a. o. صفحه ۶۶

(۲) ماتريولار ودور وحواله تخصيصاتى، ودبون عموميه اهماسى حقدنه

(۳) داخل مملكته مخصوص بر نوع كومروك رسمى قيلندندركه معاهده موجبنجه داخل استهلاك ويريكلرندن دها بوكك اولمه ايدر. بوصورتله بورسم رسوم حاميه ماهيتنى اكتساب ايتمه ميدان ويره بور. اخراجات ايچون اعاده ويريلىن مبلغك اكرايه شكلنى اكتساب ايتمه سى مقصديله بونلك استهلاك ويريكلرندن بوكك اولمه سى احكامى وضع اولتمشدر.

ممالك شمالي آلمانيا بيرا اتحادى قاصه سنه تضمينات اوله رق بعض تخصیصات ویرمکی تمهدياتمشردر.
 « شمالي آلمانيا بيرا اتحاد » نده بيرا ویرکیسی مواد ابتدائیه ویرکیسی شکلنده تحصیل
 اولنیوردی. بوسوم بيرا استحصالى ایچون استعمال اولنان حیوانات (آریه و مالتس [۱]
 و یاخود حیوانات یرینه اقامه اولنان مواد سائره (پرنج ، نشاسته شکر و سائره)

هر یوز کیلو غرام حیوانات ، مالتس و یا پرنج ایچون درت مارق

» نشاسته ، سیروپ ایچون آلتی مارق

» شکر و یا مالتس یرینه اقامه اولنان مواد ایچون سکر مارق

ویرکیلرک ته کنیک نقطه نظرندن تحصیلی بوراده موضوع بحث ایدیه میان مختلف
 شکلدرده وقوعبولور. یالکز شوراسی نظر دفته آلمه لیدرکه مواد ابتدائیه شکلنده تحصیل
 اولنمه سی و لایسیله بيرا ویرکیسنده دخی دیگر مواد ابتدائیه ویرکیلرنده کوریلن محاذیره
 تصادف اولونور : بو مواد ابتدائیه ویرکیسنده بيرا استحصالاتی یکنسقلق و مساوات
 دائره سنده ویرکییه تابع طوتله دینی کی مختلف بيرا فابریقه لینه عینی درجه ده ویرکی
 تحصیل اولنمه مشدر بو صورتله بویوک صنایعه طائد اعمال اتخانه لر کوچک صنایعدن معدود
 فابریقه لره قارشى حائز امتیاز بولونیوردی . [۲]

داخلی کومروک رسومیه اخراجات اکرامیه لری بر جوق دفعه تعدیه اوغرامشدر.
 بوکا مقابل ویرکی نسبتلری ۱۸۷۲ دن ۱۹۰۶ سنه قدر (پروسیاده ۱۸۱۹ سنه سندن
 بری) عینی درجه ده قالمشدر ویرکیلرک مواد ابتدائیه شکلنده اولسنه ویراتک کثرت
 استهلاک نه بناء شمالي آلمانیا ده بيرا ویرکیسی حاصلاتی نسبة پک محدود قالمشدر. بو حال
 باویه راده کی بيرا ویرکیسی حاصلاتیه مقایسه اولتنجه صورت مخصوصه ده کوزه چارپار.
 « شمالي آلمانیا بيرا اتحادى » نده جنوبی آلمانیا ممالککنده ویریلن داخلی کومروک رسومى
 داخل اولدینی حالد حاصلات انجیق پک بطی صورتده نفوسک تزايدینه کوره آرتان
 بيرا استهلاکاتیه متناسب بر درجه ده تزايد ایتشدر : [۳]

[۱] بيرا یاقمق ایچون فیلزندن برلش آره .

[۲] ایستانسقیق کوستریبورکه بيرا فابریقه لرنک عددی نصف درجه سنده تنافص ایتدیکی

حالد استحصالات تضاعف ایتشدر .

[۳] بيرا کومروک رسومى حاصلاتی دخی بواوقامه داخل ایه ده بيرا ادخالاتی آلمانیا ده پک
 معدوددر. آلمانیا ده یالکز بوهیا وانکلتره دن بيرا ادخال اولونور . بوا ادخالاتی ۱۹۱۲ سنه سنده
 ۸،۴ ، ۱۹۱۳ ، ۹،۶ میلیون مارق دن عبارت اولشدر .

حقوق فاكولته سى مجموعەسى

٦٥٠

سنوى ١٨٩٤/٨ — سنوى ٣٥,٥ مىليون مارك	سنوى ١٨,٥ مىليون مارك [١]	١٨٧٣٨
» » ٣٩,٣ — ١٨٩٩/١٩٠٣	» » ١٩,٢ —	١٨٧٩٨٣
» » ٣٩,٢ = ١٩٠٤	» » ٢٣,٩ —	١٨٨٤٨
» » ٤١,٠ — ١٩٠٥	» » ٣٠,٦ —	١٨٨٩٩٣

نتيجه سز قالان برچوق تشبثاتدن صكره بو وىركىنك حاصلاتنى آرتىرمق ايچون صرف مساعى اولمشدر. استهلاكات تزايدىنك نفوس باشنه وياخود هكتوليتره باشنه حاصلاتله متناسب اولمىدنى ايچون بومساعى به يك زياته اهميت وىرلىشدر. بو حال آتيدىكى ارقامدن ده ميدانه چىقيور. [٢]

١٩٠٥	١٩٠٠	١٨٩٠	١٨٨٠	
٤٨,٢	٤٦,٩	٣٣,٨	٢١,٦	مىليون هكتوليتره اولمىدنى بىرا استهلاكاتى
٤١,٥	٤٠,٣	٢١,٦	١٨,٧	بىرا وىركىسى و بىرا كوسوك رسومى حاصلاتى مىليون مارك اولمىدنى
٠,٨٦	٠,٩١	٠,٧٩	٠,٥٥	نفوس باشنه مارك
٠,٧٢	٠,٧٤	٠,٨٣	٠,٨٣	هكتوليتره

كوروليوركه هكتوليتره باشنه حاصلات تناقص ايتمشدر.

يكي بىرا وىركىسى اقامه موادىنك استعمالى تحت ممنوعيته آلتىقه برابر (كوجك صنايعك حمايه سى مقصيده) هر يوز كيلوغرام مالتس ايچون صرف اولان مواد ابتدائيه نك كترته كوره متزايد ٢٠ درجه لى بر وىركى تعيين اولمشدر. برنجى ٢٥٠ كىنتال ايچون كىنتال باشنه ٤, (مالتس، ويا شكر) ايكنجى ٢٥٠ كىنتال ايچون ٤,٥٠، وسايره ٧٠٠٠٠ كىنتالدىن زياته صرف ايدن فابريقه لر ايچون كىنتال باشنه اون مارك.

بورسوم طحنيات وىركىسى شكلىده تحصيل اولنور. بناء عليه نيم معمولات وىركىسى ماهيتنى حائز اوليوردى. بو صورتله مواد ابتدائيه اوزرندن النان ابتدائى شكله كوره نه كنىك بر ترقى حاصل اولمشدر. بو تعديلات مالى نقطه نظره توافق ايتمه سى بىرا وىركىسنىك تزويدى صورثيله دونما قانونىك ٦ نجى ماده سىن خلل كترمه مك مقصدينه معطوفدر. نية يك محدود اولان بو تزويد سايه سنده بىرا وىركىسنىك فابريقه لر طرفندن وسط صنفلىرینه مذبوب مستهلكينه تحميلة مانع اولمق ايسته نلىشدر. مع مافيه فضله حاصلات اسكى حاصلاتك ايكي مثلى درجه سى بالغ اولمش و تخميناً ٣٠ مىليون مارك قدر چىقمىشدر.

[١] بو ارقام بش سنه لك وسطىنى تشكيل ايدر.

[٢] فرلوف. a a o. صفحه ٤٣١.

سنه	حاصلات
۱۹۰۵	۴۱,۰
۱۹۰۶	۶۲,۲
۱۹۰۷	۶۶,۰
۱۹۰۸	۶۱,۰
۱۹۰۹	۹۸,۴

بیرا ویرکیسنگ پک زیاده مستعد انکشاف اولدینی شونکله نابتدرکه اوچ سنه صکره یکی تعدیلات و اصلاحات یاسیله بیلیمشدر. بوندن بالاخره بحث اولته جقدر . ویرکیلرک تعدیلاتی متضمن ارلان دیکر برقانون ده توتون رسومه عائددر . بوقانون موجود برقانونک تعدیله دائر اولیوب سیفاره و توتون اوزرینه یکی برویرکی طرحی تضمن ایدر . بورسم پراکنده فیئاتلره کوره تعیین اولنان و بیک عدد سیفاره به ۱,۵۰ دن ۱۰ مارقه ، و برکیلوغرام توتون ایچون ۰,۸۰ دن ۷ مارقه قدر تخالف ایدن درجه لی بریاندورل شکلنده در . بوندن ماعدا سیفاره زیوانه لری آیری برویرکی به تابعدر . یکی ویرکینگ حاصلاتی برنجی سنه ۱۱۰۱ میلیون مارقه بالغ اولمشدر . بوصورتله بورسمک بویوک حاصلات ویرمکه مستعد اولدینی میدان چیقمشدر .

تمفا رسمی دخی یکی ویرکی طرح ایتک صورتیله وقوعبولان یکی اصلاحاتک جله سندندر . ۱۹۰۰ سنه سندن خارجه مخصوص سیر سفائنه عائد اوراق نقلیه دائر اولان مقطوع تمفالره بالاخره داخلی سیر سفائن ایله نقلیات بریه به مخصوص اوراق ایچون ده بر تمفا رسمی علاوه اولنمشدر . خارجه مخصوص کمی قونوشمتولری ایچون ۲۰ پهنیقدن ۱۰ مارقه قدر و تحمیلیه سندی ایچون بر مارق . نقلیات بریه ایچون هر برقونشمتویه اون پهنیغ و اغون تحمیلیه لری ایچون ۲۵ پهنیقدن یوقاری ویا آشاغی تحمیلیه اجوراتنه کوره ۲۰ دن ۵۰ پهنیغه قدر رسم تعیین اولنمشدر . ویرکی حاصلاتی بروجه آتی اولمشدر .

میلیون مارق			
۱۸,۰	۱۹۱۱	۱۵,۷	۱۹۰۷
۱۹,۱	۱۹۱۲	۱۴,۱	۱۹۰۸
۱۹,۶	۱۹۱۳	۱۵,۵	۱۹۰۹
سنه سندن اعتباراً حاصلات غیر صافیدر	۱۹۰۹	۱۶,۷	۱۹۱۰

بودن ماعدا شمشدوفر و واپور بیلترینه بیلت فیئاتلرینه و واغون صنفلرینه کوره
۵ پنه نیدن ۸ مارقه قدر نسبی بر رسم تعیین اولمشدر. بیلت رسومی حاصلاتی بروجہ
آئیدر .

میلیون مارق			
۲۲,۷	۱۹۱۱	۱۹,۲	۱۹۰۷
۲۴,۲	۱۹۱۲	۱۸,۵	۱۹۰۸
۲۴,۸	۱۹۱۳	۱۹,۸	۱۹۰۹
۱۹۰۹	سنه سندن اعتباراً حاصلاتی غیر صافیدر	۲۱,۹	۱۹۱۰

یکی رسوم جملہ سندن اوله رق اوتوموبیل و بیسیقلت ایچون تعیین اولان رسملری
ذکرا تیک لازمکلیر.

اوتوموبیل ایچون بارکیر قوتنه کوره نسبی اوله رق سنوی ۲۵ دن ۱۵۰ مارقه قدر نسبی
و بیسیقلت ایچون سنه ده مقطوع اوله رق اون مارق رسم طرح اولمشدر . بو رسم
مزیناته مخصوص اولوب حاصلاتی محدود و مصارف تحصیلیه سی بویوکدر .

میلیون مارق			
۳,۵	۱۹۱۱	۱,۶	۱۹۰۷
۴,۲	۱۹۱۲	۱,۹	۱۹۰۸
۴,۹	۱۹۱۳	۲,۳	۱۹۰۹
۱۹۱۲	دن اعتباراً حاصلات غیر صافیدر .	۲,۸	۱۹۱۰

الک نهایت آنونیم واسهامه منقسم شرکتلرک هیئت اداره اعضالرینه مخصوص حصه متمعلره
یکی رسملر تعیین اولمشدر. بورسم هیئت اداره اعضالرینه مخصوص حصه متمعلرک یوزده
سکزندن عبارتدر . ایمپراطورلرک اصول تکلیفنه بورسمک داخل ایدلمه سی پک بویوک
براهیمی حائزدر . بوسورتله ایراد ویرکولرینک مختلف دول اتحادیه یه ترکی خصوصنده
تعقیب اولسان اساسدن انحراف ایدلمش اولیور . بورسمک حاصلاتی ۱۹۰۷ سنه سنده
۴,۱ میلیون مارقدن عبارت ایکن ۱۹۱۳ سنه سنده ۷,۲ میلیون مارقه بالغ اولمشدر .
اسکی تمفا رسومی حاصلاتی دول اتحادیه یه دور و حواله اولندینی حالده یکی تمفا
رسومی منحصرأ ایمپراطورلق خزینهنه مخصوص قالمشدر.
دول اتحادیه یه عائد ایکن ایمپراطورلغه انتقال ایدن ایکنجی ویرکیده وراثت

ویرکسندن عبارتدر . دول اتحادیه نك بوخصوصده متضرر اولمارینه میدان ویرمه مک ایچون انتقال ویرکیسی حاصلاتنک اوچده بری اولره براقلمشدر . بونلک اسکی ویرکینک حاصلاتنه تقابل ایتدیکی تحمین اولندیغندن دول اتحادیه به مخصوص وراثت ویرکیسی شکلاً لغو اولمش ایسهده نتیجه اعتباریه ابقا ایدلمش دیمکدر . بوندن ماعدا دول اتحادیه به امپراطورلغه مخصوص انتقال ویرکسینه رسوم منضمه طرح وانتقال ویرکوسنی دخی چوجوقلره وزوجلره تشمیل ایتک حق وصلاحیتی بخش اولمشدر .

ممالک سائرده و بالخاصه انکلتره و فرانسهده انتقال ویرکیلرینک اکتساب ایتدیکی اهمیت بناء آلمان انتقال ویرکیسی قانوننک الک مهم احکامنک بوراده ذکره مناسب کورلمشدر [۱]. بر مقدار معیندن یوقاری اولان هر نوع میراث، و حال حیاتهده هبه ویرکیه تابعدر . درجه قرابت و میراثک درجه سه کوره نسبی و لهرق روجه آتی تعیین اولمشدر :

ابوین ، قارداشلر ، و قارداش چوجوقلری ایچون یوزده دوت
بو یوک ابوین واجداد ، قائم ابوین ، اووکی ابوین و چوجوقلری ایکنجی بطن قارداش
چوجوقلری ، غیر مشروع اولوب ابوینی طرفندن بالاخره قبول اولسان چوجوقلر ،
اولاد مستعارلر و چوجوقلری یوزده آلی

ابوین قارداشلری ، و صهریت اقرباسی یوزده سکر

بوندن ماعدا کیلر ایچون یوزده اون

قرابت درجه لرندن ماعدا میراثک مقدارینه کوره بر نسبت وارددر : ... ۲۰,۰۰۰
مارقندن زیاده اولان میراث ایچون ۱,۱۰ مثل ، ۳۰,۰۰۰ مارقندن یوقاری ۱,۲۰ ،
وبوندن یوقاری مبلغلر ایچون دخی عینی نسبت ایله ویرکی تعیین اولمشدر . آلیحق بر
میایوندن یوقاری میراثلر ایچون دخی یوزده ۲ بحق طرح اولمشدر .

یوزده دوت رسم ویرمکله مکلف اولانلر ایچون رسوم متزایده ۵۰,۰۰۰ مارق
متجاوز میراثلره تطبیق اولنور . اساساً ۵۰۰۰ مارقندن دون اولان میراثلر بستیون
رسومدن معافدر . معین بعض مقدارلری تجاوز ایتیان میراثلر ایچون بعض احکام مخصوصه
وضع اولمشدر . بو قانون دیگر قانونلره مقایسه اولنورسه اجنبی قانونلرک داها آغیر
اولدینی و بناء علیه دهام مهم حاصلات ویردیکی میدانه جیقار .

[۱] Eheberg علم مالی لایسیغ ۱۹۱۲ صفحه ۳۵۰ ff ، Altmann علم مالی لایسیغ ۱۹۱۰

صفحه ۱۰۹ ff ، A.A. O. Wiesinger صفحه ۳۷۷ مراجعت

۱۹۰۸-۹ ده [۱] انکلتزده میراث ویرکیسی ۳۶۶ میلیون، فرانسه ده ۱۶۰ میلیون مارق حاصلات ویردیکی حالد آلمانیه ده ویرکی [۲] ۱۹۰۷ ده ۲۶۳، ۱۹۰۸ ده ۳۰، ۱۹۰۹ ده ۳۸، ۱۹۱۰ ده ۴۲، ۱۹۱۱ ده ۴۴، ۹ میلیون حاصلات ویرمشد. دول آفایه دن میراث ویرکوسی نزع اولندیقندن اولنره تعویضات اولمق اوزره بو ویرکینک بر نلکی ترک اولمش و یالکیز نلثان ایمپراطورلغه بر اقلمشدر. بو صورتله شتوقل اصلاحات مالیه سی تمامیه ذکر و تعداد ایدلش اولیور. بو اصلاحات مالیه نک نتیجه سی نه اولمشدر؟ سیاست واداره مالیه نقاط نظرندن مهم اطلاقه سزا بر نتیجه حاصل اولامشدر. بیرا رسوم نک تعدیلی و سیفاره رسوم نک یکیدن طرح وقبولی صورنیله استهلاک ویرکیلرنده وقوعبولان اصلاحات و تعدیلادن صکره میراث ویرکیسی سیاست مالیه نقطه نظرندن استحصالی ممکن اولان نتایجدن یک دون قالمشدر. تداول و احتشام (Aufwand) ویرکیلری حاصلاتی مأمولک دوننده قالمشدر. ویرکی ایله قبادماسی لازمکلان و ۲۳۰ میلیون مارقه بالغ اولان آجیه قارشی (کومروک رسوم نک تریدندن ۲۵ میلیون آلمه سی مأمول ایدی) اصلاحاتی تعقیب ایدن برنجی سنه طرفنده نصف بیله تأمین اولنهامشدر: او حالد ایمپراطورلق بودجه سنده آجیق ینه کافی السابق باقی قالمشدر. اصلاحاتک هر جهتن غیر کافی اولدینی تحقق ایتمشدر. ۱۹۰۸ سنه سنده ۵۰۰ میلیونلق فضله بر احتیاج حاصل اولماسیله احوال مالیه ده زیاده قاریشمشدر. بو فضله احتیاج ۱۹۰۶ سنه سنده طلب اولتان ویرکیلرک آنجق محدود مقدارده قبول ایدلشدن و یاخود موجود ویرکیلرک ۱۹۰۷ سنه سندن صکره آز حاصلات ویرمشدن نشئت ایتیهوب مأمورین معاشاتنک ضمیات، مسکن تخصیصاتی، اجورات ضمیاتی بهاللق وسیله بیل ویریلن تضمینات ایتم و ارامل سیغوریطه تخصیصاتی، و عملماندالر صندوقی ایچون وقوعبولان فضله مصارفدن انبعاث ایتمشدر. [۳] بونک ایچون ۱۹۰۹ سنه سنده مالیه ناظری von Sydow طرفدن شموللی اصلاحاتک اجرا و تطبیقنه لزوم کورلمشدر. یکی اصلاحات قانوننک اسباب موجب لایحه-نده ایضاح اولدینی وجهله [۴]

[۱] A.A. O. Altmann صحیفه ۱۰۹

[۲] A.A. O. Gerloff صحیفه ۴۳۹

[۳] Eheberg ایمپراطورلک مالیه سی صحیفه ۶۵ ff.

[۴] A.A. O. Gerloff صحیفه ۴۴۶.

«یکی اصول تکلیف بوتون صنوف اهلانک ثروتلری نسبتنده تکالیف ایله مکلف طوتلامسی، ویرکیلرک قابلیت تحملیه کوره تقسیم و توزیی و اقتصادی عضوینک محور مطلوب دائره سنده انکشاف و تکاملنه مانع احواله میدان ویرله مسی کبی نقطه نظرلر نظر اعتباره آلمشدر .

یکی اصلاحات مالیه ده استهلاکاتک تکالیفه تابع طوتله سندن باشقه تصرف و سرمایه نک دخی ویرکی به تابع طوتله سی ایجاب ایتمشدر . مالیه ناظرینک بوکا دائر ویردیکی مخرطه ده شوعبارده وارد: (۱) «سیاست اجتماعیه ترقیاته؛ ایراد اصحابنک ایرادلرینک تزیایدینه رغماً اصلاحات مالیه فقرا صنفلرینی تضییق ایدن ویرکیلره منحصر قالسه یدی آلمانیانک سیاست اجتماعیه سی وقوانین و اساسانه مغایر بر صورتده حرکت ایدلمش اوله جقدرد .

اوزون مناقشاتدن صکره قبول اولنان اصول تکلیف یوقاریده ذکر اولنان نقطه نظرندن ایکی زمره یه تقسیم اولنورسه ۱۹۰۹ اصلاحات مالیه سندن بوجه آتی بر نتیجه حاصل اولور :

A استهلاك واحتشام ویرکیلری

۱ — ۱۹۰۲ سنه سنده طرح اولنان شامپانیا رسمی تزیید اولنمشدر . میوه دن استحصال اولنان شامپانیا ایچون کافی السابق بر شیشه ایچون ۱۰،۰ مارقدن عبارت قالمشدر . بوکا مقابل اوزومدن استحصال اولنان شامپانیا قیانه کوره دوت مارقدن یوقاری اولیان شیشه ایچون ۲ مارق، بش مارقدن اشاغی شیشه لر ایچون ۲ مارق بش مارقدن یوقاری شیشه لر ایچون ۳ مارق رسم تعیین اولنمشدر .

۲ — توتون رسمی ایکی صورتله تزیید اولنمشدر .

(a) — اسکی اراضی ویرکیسی مربع مترو باشنه ۴،۵ دن ۴،۷ پهنیغه چیقرلمشدر . هر حالده رسمک حد اصغریسی ۵۰ پهنیغدن اشاغی اوله لیدر .

(b) ۱۸۸۲ سنه سندنبری غیر معمول توتونه موضوع نقلت رسمی قطار باشنه ۴۵

مارقدن ۵۷ مارقه چیقارلمشدر .

۳ — ۱۹۰۶ سنه سنده طرح اولنان سیغاره ویرکیسی تزیید اولنمشدر .

بو رسم پراکنده صاتیشده آلتی صنف اوزرینه تعیین و تقسیم اولنمشدر .

۱ ۱/۲	بہ نینگ لک سیغارہ لره	بیکی ایچون ۲ مارق
۱ ۱/۲ دن ۲ ۱/۲ قدر	۳	۳
۲ ۱/۲ دن ۳ ۱/۲ قدر	۴,۵۰	۴,۵۰
۵ ۱/۲	۶,۵۰	۶,۵۰
۵ دن ۶	۹,۵۰	۹,۵۰
۷ دن یوقاری	۱۵	۱۵

سادہ توتون ایچون بش درجه واردر. بودرجه لره ۳,۵۰ مارقدن ۳۰ مارقه قدر چیقار.
رسم کیلو باشه ۰,۸۰ دن ۷ مارقه قدر بالغ اولیور.
سیغاره کاغدی هر بیک زیوانه ایچون بر مارق
۴ — بیرا ویرکیسی مهم صورتده تزیید اولمشدر.

a. برنجی	۲۵۰	قطار مالتس ایچون هر برقطار باشه ۱۴ مارق
اوندن صکره کی ۱۲۵۰	۱۵	۱۵
اوندن صکره کی ۱۵۰۰	۱۶	۱۶
۲۰۰۰	۱۸	۱۸
۲۰۰۰ ی متجاوز	۲۰	۲۰

b — ۱ اغستوس ۱۹۰۹ سنه سندن صکره تأسیس اولنان یکی بیرا فابریقه لری ایچون
یکی برایشله تمه ویرکیسی طرح اولمشدر بوویرکی یوقاریده کی اعمالات ویرکیسنه برضمدن
عبارت اولمشدر. بو ضم ۱۹۱۵ سنه سنه قدر یوزده ۵۰ بو تاریخدن ۱۹۱۸ سنه قدر
یوزده ۲۵ اولمق اوزره تعیین اولمشدر.

c — بیرانک اعماله مخصوص شکر دخی رسمه تابع طوتملشدر.

۵ — اسپرتو ویرکیسی دخی مهم صورتده تزیید ایدلمشدر.

— ۱۸۸۷ سنه سنده مقداری تحدید اولان اسپرتو اعمالاتنه هکتولیتزه باشنه
۵۰ پنهنج اوله رق تعیین اولان رسوم استهلاکيه ۱,۵۰ ، مقداری تحدید اولنمیان اسپرتو
اعمالاتنه مخصوص اولان ۷۰ پنهنج رسوم استهلاکيه ۱,۲۵ مارقه ابلاغ اولمشدر.

کوچک بیرا فابریقه لری نینگ حمایه سی ایچون بعض احکام مخصوصه وضع اولمش وعنی
زمانده استحصالانک تحدیدی کیفیتی دخی ینه اساسله استناد ایتدیرلمشدر.

b — استهلاك رسومندن ماعدا استحصالات سنویه نك درجه سنه كوره درجه لی ایشلمعه رسومی تعیین اولنمشدر . بوایشه تمه رسومی اسکی اعمالات رسومك بر شكل دیگرى ماهیتى حائزدر . ۵۰ هکتولتره استحصالاته قدر هکتولتره باشنه ۴ مارق ، ۱۰۰ هکتولتره استحصالات ایچون ۴،۵۰ مارق وسائر ۳۰۰۰۰ هکتولتره استحصالاتده هکتولتره باشنه ۱۴ مارق .

اسپرتو رسومك تزیدد و یا تنقیصنه اسپرتوتك تبدیل ماهیته سوق و تشویق ایچون وضع ایدیان احکام مخصوصه بوراده موضوع بحث ایدلیه جکدر . بوراده اهمیتله نظر اعتباره آله حق جهت استهلاكات ویرکیلی حاصلاتك دول اتحادیه وایشله تمه و رسوم حاصلاتك تبدیل ماهیت ایتدیریلن و یا خود اخراج ایدیلن اسپرتویه مخصوص اکر امیله حصه و تخصیص ایدله سیدر . مالی نقطه نظرندن اسپرتو رسوم حاصلاتی ایمرطورلق خزینه سی ایچون هیچ براهیتی حائز دکدر .

۶ — یکی طرح اولنان و سومدن بریده سیرکه مایه سنه وضع اولنان رسملردر . کثولدن استحصال اولنان سیرکه رسومه قارشى بر موازنه تأسیس ایتك ایچون تخمه دن و یا طوزدن استحصال اولنان سیرکه ایچون ۰،۳ مارق دن عبارت بر رسم وضع اولنمشدر . مالی نقطه نظرندن بورسم هیچ براهیتی حائز دکدر . آتیده کی یکی ویرکیله استهلاك و احتشام ویرکیلی اساسلى زیاده سیله توسیع اولنمشدر . ۷ — آتش یا قغه مخصوص ماده طاند رسوم — (کبریت ، بالمومى وسائر) دن معمول شمعلى کبریت ، وسائر) بورسم ده بو شکلنده تحصیل اولنور . رسوم مقدارلری بوجه آتیدر .

a — کبریتلر ایچون ۳۰ کبریتی حاوی هر بر قوطینك باشنه بر پفه نیغ

۳۰ دن ۶۰ قدر ۱،۴

۶۰ دن فضله هر بر آلتش و کسوراتی ایچون بر یحق پفه نیغ

b — شمعلى کبریتلر ایچون ، هر یکرمی پارچه ایچون ۵ پفه نیغ .

پیرا ویرکیسندده اولدینی کبی بو ویرکیده دخی برنجی اون سنه ظرفنده (۱) تأسیس

[۱] ۶ حزيران سنه ۱۹۱۱ تاریخلى قانون ايله بش سنه لك مدت اون سنه یه ابلاغ اولنمشدر . بوده یکی ویرکینك قبول اولنه جغی حس ایدن مستهلکین طرفندن اولدن پك چوق مال صانون آلمه سی و بالا آخره ویرکیدن دولای کبریت استهلاكاتك تناقص ایتمه سی نتیجه سنده حاصل اولان بحرانه چاره ساز اولق مقصدیله وقوع اولمشدر .

ایدیه جک اولان یکی قابریقه لره یوزده بکرمی بر ورکی منضم طرح اولمشدر . بوده اسکی قابریقه لری حمایه ایتمک مقصدیه یابیلمشدر .

۸ — مواد تنویرییه مخصوص رسوم — باندروول شکلنده تحصیل اولتور .

a — الکتریک لامبه لری ایچنده تللر، قوه تنویرییه، کور و یاخود معدندن معمول اولدیفنه کوره بروجه آتی درجه لی رسومه تابع طوئمشدر :

کور تللی لامبه لر ۵ دن ۵۰ پهنیفه قدر

معدن ۱۰ دن ۱۰۰ (ترنسست لامبه لری وسائره)

۲۰۰ وات و دهها زیاده استهلاک لری ایچون هر یوز وات و کسور اتندن ایچون ۲۵ ویا ۴۰ پهنیفه .

b — ۲۰۰ وات لک لامبه لر دن هر بری ایچون ۱۰ پهنیفه .

c — الکتریک قوسی لامبه لره مخصوص کور پارچه لری ایچون کیلو باشنه ۶۰ پهنیفه .

دیگر ماده لر ۱۰

d — انواع لامبه لره مخصوص فیللر هر ۱۰۰ وات ایچون برمارق .

تداول ویرکلیری — بوزمره دن اولان ویرکلیر تزئید اولندیفی کبی یکی ویرکلیر دخی طرح اولمشدر .

۹ — ۱۸۹۴، ۱۹۰۰، ۱۹۰۶ تاریخلرنده دخی تزئید و یاخود دائره شمولی توسیع ایدلش اولان اسکی تمفا رسمی دخی یکیدن بریجق، اوج مثلی درجه سسنده تزئید اولمشدر . بورسومک شامل اولدیفنی موضوع لری تنوعی (هر درلو اوراق و سندات) دولایسیله بوراده تعدیلانک یالکز مهم نقطه لری موضوع بحث اوله جقدر .

a (موقع تداوله جبقاریلان اسهام ایله داخلی و خارجی اسهامه مخصوص تمفا رسمی Kux — رسمی کبی قیمت اعتباریه نک یوزده اوجی درجه سسنده تزئید اولمشدر . Kux ایچون بو عادی رسومدن ماعدا آریجه هر بر حصه سندی ایچون بش مارق تأدیه اولتور . بو یوزده اوج رسومه شمدی به قدر تمفا رسمندن معاف اولان و مستملکاتده ایشله یین شرکتلر دخی تابع طوئمشدر .

رانت و تحویلات رسمی یوزده ایکی به ابلاغ اولمش ، اجنبی دولتلر و جماعتلر ، شمندوفرلره عائد رانت و تحویلات یالکز یوزده برسومه تابع طوئمشدر . ایمپراطورلق ایله دول اتحادیه نک رانتلری رسمندن معافدر . جماعتلر ، بلدیهر ، بلدییه مخصوص

اعتبار مؤسسه‌لری، املاک متصرفلری، جمعیتلری، اعتبار و رهن باقیه‌لری، شمندوفر شرکترینک رانت و تحویلاتی بیکده بش رسم‌ایله مکلف اولمشلردر.

(b) حصه تمنع قوبونلری، وقائض فالونلری ایچون یکیدن تمفا رسومی وضع اولنمشدر. بو رسم داخلی و خارجی اسهام ایچون یوزده - رانت و تحویلات ایچون یوزده ۰,۲ - ۰,۵ دن عبارتدر. اون سنه دن زیاده برمدت ایچون قوبونلری حائز اولان فائض سندلرینه کرک رانت و کرک اسهام ایچون فضله سنه لک هربری باشنه یوزده اون رسم ضم اولنور. (c) چکلر ایچون دخی یکی رسوم وضع و طرح اولنمشدر. داخلده تأدیسه‌سی مشروط اولان چک، بانقه‌لره مخصوص مقبوض علم و خبرلری، هر عدد ایچون مقطوع اوله رق اون پفه نیغ لک رسمه تابع طوتملشدر.

(d) بورس‌یه مخصوص بیع و شرا عقد ورقه‌لرینه مخصوص تمفا رسومی تعدیل اولنمه‌مشدر. بو رسم سندات تداولنه مخصوص عقدلر ایچون بیکده ۰,۲-۰,۳ و امواله مخصوص عقدلر ایچون بیکده ۰,۴.

۱۰ - ۱۸۷۹ تاریخندن بری هیچ برکونا تعدیله اوغرامیان پولیچه‌لره مخصوص اسکی نسبی تمفا رسومی محافظه اولنمقله برابر اوچ آیلک وعده ایله اوچ آیدن فضله وعده‌یی حاوی پولیچه‌لر بربرندن آیرلمشدر. اوچ آیلق وعده‌یی متجاوز پولیچه‌لر ۱۲ آیلق مدته قدر ایکی مثل و اوندن صکره کی مدت ایچون هربر آلتی آی و کسوراته مخصوص اوله رق بررمثل رسم ضم اولنور. رسوم :

۲۰۰ مارقدن دون	مبلغ ایچون ۱۰	پفه نیغ
۲۰۰ دن ۴۰۰	مارقه قدر	۲۰
۴۰۰ دن ۶۰۰	"	۳۰
۶۰۰ دن ۸۰۰	"	۴۰
۸۰۰ دن ۱۰۰۰	"	۵۰

اوندن یوقاری هر بر بیک مارق و کسوراتی ایچون ۵۰ پفه نیغ

بالاخره طرح اولنان تزايد قیم رسومیه صیقی صورتده مناسبتدار اولان دیگر بر رسم دخی شایان تذکار در.

۱۱ — فراغ اراضی بہ مخصوص رسم — اراضینک فراغی متضمن ورقہ نک اعطاسی زمانندہ تحصیل اولور. بورسم فراغ بدلندن ویا قیمتندن $\frac{2}{3}\%$ دن عبارتدر. ویرکیده بر موازنہ تأسیس ایتمک مقصدیلہ قابل فراغ اولہ یان (fidei kommiss) اراضی ایچون هر ۳۰ سندہ اراضینک قیمتندن کذلک $\frac{1}{4}\%$ آلتیق اوزرہ یکی بر رسم تأسیس اولمشدر. فراغ رسمیلہ برابر قانونہ تراید قیم احکامی دخی ادخال اولمشدر. بو احکام موجبہ ۱۹۱۲ یسان بدایتہ قدر مساعد شرائطک انکشافی نتیجہ سندہ کنیدی کنیدینہ حاصل اولان تراید قیم ایچون ویرکی طرح اولنسی لازم کلیر. (۲۲). تراید قیم ویرکیسی من حیث المجموع ۲۰ میلیون مارقه بالغ اولدینی تقدیرده فراغ رسمی بر مثل دها ترید اولور. تراید قیم رسمی حاصلاتی ۲۰ میلیون تجاوز ایدر سه فراغ رسمہ بر مثلدن دها آرمیات اجرا اولور.

بوریرکی تعدیلاتیلہ Sydow ک اصلاحاتی تمامیلہ یتیش اولمہ یور. بورادہ موضوع بحث اولہ میان بعض کومروک رسومنک تریدندن (توتون، قہوہ، چای) ماتریقولار تخصیصاتنک قہوس باشہ ۴۰ دن ۸۰. ابلاغندن صرف نظر ۱۹۰۶ سندہ سندہ تأسیس اولوب حکومت طرفندن لغوی تصور اولتان واپور شمندوفر بیلتری رسمی ابقا اولدینی کی تعدیل مکرراً تقرر ایدن شکر رسومنک تعدیلاتی دخی بش سنہ صکرہ یہ تعلیق اولمشدر [۱] دیگر طرفندن امپراطورلق خزینہ سنک منفقہ تأمیناً دول اتحادیہ یہ حامد میراث رسمی حصہ سی برثلندن بر ربعة تنزیل ایدلشدر.

بو اصلاحاتک نتائج مالیہ سی ندن عبارت اولمشدر ؟ اداره مالیہ طرفندن احتیاج ۵۰۰ میلیون مارق اولیق اوزرہ تخمین اولمشدی، بوندن ۷۲ میلیون ویرکی ومتباقیسی ماتریقولار تخصیصاتنک تریدی صورتیلہ تدارک اولہ جقدی. ۳ تموز سنہ ۱۹۰۰ تاریخی قانون ایلہ وقوعبولان تعدیلات نتیجہ سندہ فضلہ حاصلات بروجه آتی تخمین اولمشدر. [۲]

اسپرتو ۸۳ - ۸۰ میلیون مارق

۱۰۰ پیرا

۴۳ توتون (کومروک داخل)

۵ شامبانی

۲۰ وسائط تنویریہ

۲۵ وسائط احراقیہ

[۱] داخل شهر پیستہ تفرقہ سنک تعدیلاتی دخی اجرا اولمشدر.

[۲] غرلوف ص ۴۷۲ و آدولف واغز علم مالی ۳ نجی قسم برنجی کتاب ص ۳۴۱

سندات رسومی	۱/۲ ۲۲ - ۲۰	میلیون مارق
پولیچه وچک تمفا رسومی	۱۹ ۱/۲ - ۲۰	"
فراغ اراضی رسومی	۴۰	"
تالون رسومی	۱/۲ ۲۷ - ۲۰	"
یکون	۱/۲ ۳۸۳ - ۳۷۶	

۵۰۰ میلیون مارقہ بالغ اولمق ایچون ا کسک قالان مبلغ قهوه وچای کو مروک رسومک تزییدی (۳۷ میلیون) بیلت رسومک محافظه و ابقاسی (۲۰ میلیون) شکر رسومک تعدیلندن صرف نظر اولنسی (۳۵ میلیون) میراث ویرکیسندہ کی ایمپراطورلق حصہ سنک تزییدی، (۴ میلیون) ویرکی سیاسته متعلق اولمایان داخل شهر پوسته تعرفه سنک (۳ میلیون) محافظه سی و ماتریقولار تخصیصاتک ایکی مثله ابلاغی (۲۵ میلیون) صورتیله تدارک اولنه جقدی. حقیقت حالده وقوعبولان حاصلات آئیده کی جدولن اکلاشیلیر. تخمین اولنان وارداتک انجق برقاچ سنه صکره حاصل اولمسی قابل اولدینی اونودلمه ملیدر. [۱]

[۱] شامپانیا ویرکیسک حاصلات صافیہ سی

۱۱/۶	۱۹۱۱/۱۲	۵,۸	۱۹۷۸
		۵,۸	۱۹۸۹
۱۰,۰	۱۹۱۲/۱۳	۱۲,۴	۱۹۰۹/۱۰
۱۰,۰	۱۹۱۳/۱۴	۱۰,۸	۱۹۱۰/۱۱

۱۹۱۰ سنه سندہ کوریلن فضلہ حاصلات یکی قانونک اسکیدن وجوده کتیریلن معمولاته شمولندن ایلری کلیر. بورسمک مزیناته تعلق و بناء علیه محدود بر ساحه داخلندہ جریان ایتدیکی ایچون حاصلاتک دخی محدود اولمسی پک طبعیدر.

(۲) نوتونه رسومک ماصدرنی

توتون اصول تکلیفک ۱۸۷۹ سنه سندن بری - سیغاره لر مستثنا اولمق اوزره - هیچ برتعدیلہ اوضارمه دیقندن ۱۹۰۹ تعدیلاتی زمانندن اولکی و صکره کی ارقامه دائر بر مقایسه یاقمق ایچون اسکی زمانه عائد بعض ارقامک میدانه چیقارلمسی ایجاب ایدر.

[۱] بورقلر تاریخی نقطه نظرندن اولجه ویریلن رقلرله مناسبتداردر.

بدایندہ توتون رسمنک حاصلات غیر صافیہ سی برء ویا بریحق میلیوندن عبارت بولنمش ایکن
۸۰-۱۹۷۹ تاریخندہ ۷,۱ میلیونہ ۸۹-۱۸۸۱ تاریخلرندہ وسطی اولہرق ۹,۹ میلیون
مارقہ بالغ اولمشدر. ۱۸۸۶ تاریخندن اعتباراً بو حاصلات ۱۱-۱۲ میلیونہ چیقمشدر.
۱۹۰۹ سنہندن اعتباراً :

۱۹۰۹ سنہ سندہ ۱۳,۲ [۱]

۱۹۱۱ سنہ سندہ ۱۱,۴

۱۹۱۰ سنہ سندہ ۱۲,۵

۱۹۱۲ سنہ سندہ ۱۱,۵

او حالہ توتون رسمی حاصلاتی مالی نقطہ نظرندن بیوک بر تبدل حصوله
کثیرمه مشدر. [۲]

۳ — بوکا مقابل سیفاره رسمی ۱۹۰۶-۱۹۰۹ تاریخندہ بروجہ آتی حاصلات
ورمشدر.

میلیون مارق اولہرق

سنہ	سیفاردلر	سیفاره به مخصوص توتون	سیفاره زیوانہ لری	یکون
۱۰۹۶-۷	۱۰,۵	۰,۴	۰,۲	۱۱,۱
۱۹۰۷-۸	۱۴,۶	۰,۳	۰,۲	۱۵,۲
۱۹۰۸-۹	۱۶,۵	۰,۴	۰,۲	۱۷,۱
۱۹۰۹-۱۰	۲۱,۴	۰,۴	۰,۲	۲۲,۰
۱۹۱۰-۱۱	۲۸,۳	۰,۴	۰,۳	۲۹,۰
۱۹۱۱-۱۲	۳۳,۸	۰,۴	۰,۳	۳۴,۶
۱۹۱۲-۱۳	۴۰,۴	۰,۵	۰,۳	۴۱,۲
۱۹۱۳-۱۴	۴۶,۰	۰,۵	۰,۳	۴۶,۸

بوارقامن آلمانیاده استعمالی کتدکجه توسع ایتمکده اولان سیفاره رسمنک نه قدر
قیمتلی بر منبع واردات اولدینی میدانه چیقار.

[۱] بوارقامن اسکی محصولانه هاند و بر میلیون مارقہ بالغ رسوم دخی داخلدر. (بوویرکی به
مخصوص سنہ حصاد زمانه تصادف ایدر و بو اعتبارله تموز ابتداسندن باشلار.

[۲] شونقطه نظر اعتباره آلمه لیدر: توتونده اک بیوک حاصلات کومروک رسومندن تأمین
اولتورکه ۸۰-۱۸۷۰ تاریخندہ ۱۳ میلیون مارق ایکن ۱۹۱۲ سنہ سندہ ۱۲۹,۲ مارقہ بالغ
اولمشدر.

(۴) بیرا رسمنك حاصلونی

بو رسمده وقوعبولان تعدیلاتك تأثیراتی یکی قانونك موقع تطبیقه وضعی زمانندن اعتباراً نمایان اولمه باشلامشدر.

میلیون مارق [۱]	۱۹۱۲	۱۴۰,۷	۱۹۰۹	۹۸,۴
	۱۹۱۳	۱۴۵,۹	۱۹۱۰	۱۳۲,۷
			۱۹۱۱	۱۴۵,۳

هر نه قدر ۱۰۰ میلیون مارقلق فضلہ حاصلات تخمین ایدلمشده بوکا موفقیت حاصل اولامشدر. درت سنه صکره بیله سالف الذکر مبلغك نصفی بیله تأمین اولنه مدیفته باقیرسه بوتعدیلاتك مالی نقطه نظرندن برعدم موفقیتیه منجر اولدیفته قانع اولمق لازم کلیر.

(۵) اسیمیرنو برکیسی حاصلونی

۱۸۹۵ سنه سی تعدیلاتندن صکره حاصلات آنجق یواش یواش تزیاید ایتدیکی حالده ۱۹۰۹ سنه سی تعدیلات اساسیه سی وارداتك بردن بره شدتله تزیایدنی انتاج ایتمشدر. بوده مختلف رسومك انواعنه کوره ترتیب اولنان آتیده کی جدولدن مستبان اولیور.

میلیون مارق اوله رق

سنه	حاصلات [۲]	حاصلات [۳]	حاصلات [۴]	یکون
۱۹۰۸-۹	۱۴۲,۶	۱۷,۱	۲,۹	۱۶۲,۶
۱۹۰۹-۱۰	۱۸۵,۳	-۶,۴	۸,۲	۱۸۷,۱
۱۹۱۰-۱۱	۲۰۶,۱	—	۱,۷	۲۰۷,۸
۱۹۱۱-۱۲	۲۰۳,۰	—	۲,۴	۲۰۵,۴
۱۹۱۲-۱۳	۲۲۶,۳	—	-۱۱,۱	۲۱۵,۲

[۱] بو ارقام کومروك رسوم و سائرہ حاصلاتی اولوب اعاده و بریلن پاره لر خارجی و داخلی کومروك رسوم دخی داخل بولتیور. کومروك حاصلاتی عمومی بکونه نسبتله پک جزئیدر. خارجدن جاب ایدیلن بیرانك کومروك رسمی ۱۹۱۲ تاریخنده ۸,۵ ۱۹۱۳ تاریخنده ۹,۷ میلیون مارتیه بالغ اولمشدر.

[۲] استهلاك و فی ۱ تشرین اول ۱۹۰۰ تاریخنده استهلاك و برکیسنه ضمیمه طرح اولنان مواد ابتدائیہ و برکیسی حاصلات صافیه سندن عبارتدر.

[۳] قاب و برکیسی حاصلات صافیه سی. تنزیلات داخل دکلدر.

[۴] معمولات رسمی ایله فابریقه رسومك فضلہ حاصلاتی.

اسپرتو ویرکیسک همان بوتون حاصلات صافیه سی یالکز استهلاک رسومندن پیدا اولیور. ضم شکلنده تحصیل ایدیلن اسکی مواد ابتدایه ویرکیسی داخلدر. یکی اسپرتو ویرکیسی حاصلاتی ایچون تام ارقام موجود دکاسه ده بو تعدیلاتدن مأمول اولان ۸۳ میلیون فضله حاصلات تأمین اولنمه دینی میدانده در. بونک سببی شهرت ویرکی موضوعنک ماهیت مخصوصه سنده آرامق لازمکلیر. بوخصوصه ته کنیک مشکلاتی اقتحام ایتک لازمکلیکی کی سیاست اقتصادی به متعلق مسائل ده وارددر. (اسپرتو اعمالاتنک تحت انتظامه آلتی، زراعی صنایعک حمایه سی) اسپرتو استعمالنی تحدید ایتک خصوصه اظهاری اولنان اخلاقی امللری بوراده بالطبع موضوع بحث ایده میه جکز. بوتون مسئله اساساً مالی، اقتصادی و اخلاقی نقاط نظرندن دولایی پک قاریشیق کورینور.

(۶) سیرکه مایسی انزهدک رسمی

یوقاریده ایضاح اولندیغی وجهله بو رسم مالی نقطه نظرندن بسبتون اهمیتسزدر. حاصلاتی برنجی سنه ۲۳۹,۸۰۰ مارقدن عبارت ایکن (برنجی تشرین اول ۱۹۰۹ اعتباراً ۳۱ مارت ۱۹۱۰ تاریخه قدر) ۱۹۱۳ تاریخده ۸۰۴,۵۰۰ مارقه بالغ اولمشدر.

(۷) مواد اهرانیه رسمی

اک بویوک واردات کبریت رسومندن حاصل اولیور. شمعلی کبریتدن یالکز برقاچ بیک مارق حاصلات تأمین اولیور. بوتون حاصلات

۷,۱	۱۹۰۹-۱۰
۱۷,۷	۱۹۱۰-۱۱
۲۰,۹	۱۹۱۱-۱۲
۲۲,۴	۱۹۱۲-۱۳
۲۱,۷	۱۹۱۳-۱۴

میلیون مارق

اولجه تخمین ایدیلن ۲۵ میلیون یقین بر مبلغ انجق صوک اوج سنه ده استحصال اولنمیلمشدر. بویکی رسملرده مستهلک عوام ناسی تضییق ایتک محذوری موجود

[۴] قانونک حین نشرنده موجود معمولاته مخصوص رسوم دخی داخلدر. بو رسومک درجه سی ۱۰-۱۹۰۹ سنه سنده ۳۲,۰ ۱۱-۱۹۱۰ ۴۰,۲ ۱۲-۱۹۱۱ ۶۰,۰۴ ۱۳-۱۹۱۲ ۱۹۳۲-۰۰۱ میلیون مارقدن عبارتدر.

ایسه ده بو محدود حقنده یاییلان پروباغاندارده ادعا اولندیی درجه ده شدتله میدان چیمه .
مشدر ۱۹۱۱ سنه -نده بالمجوریه یاییلان تعدیلاته یکی ویرکینک هیچ اولنزه شکل
تنظیمی اعتباریله غیر کافی اولدینی تحق ایتمشدر .

(۸) مراد نوبیه رسمی حاصلاتی

میلیون مارق اولدق

۱۷,۳	۱۹۱۲-۱۳	۵,۲	۱۹۰۹-۱۰
۱۷,۶	۱۹۱۳-۱۲	۱۳,۰	۱۹۱۰-۱۱
		۱۵,۴	۱۹۱۱-۱۲

بورسمك حاصلاتی دخی تخمین ایدیلن مابقدن ۳ میلیون درجه سنده دون قالمشدر .
فقط بو رسم رقاء حال اصحابنه شامل اولدینی ایچون عوام ناسه تعلق ایدن کبریت رسومه
قارشی بر موازنه تأمین ایتمه مدار اولور .

(۹) تمغا رسمی حاصلاتی

۱۹۰۶ سنه سنده طرح ایدیلن تمغا رسومنك حاصلاتی یوقاریده کوسترلشدر .
۱۹۰۹ سنه سنده وقوعبولان تعدیلاته کنجه حاصلات بوجه آتیدر .
میلیون مارق اولدق حاصلات غیر صاقیه

وسطی اولدق	سنه باشنه	سندات تمغا رسمی
۴,۵ ۱۸۸۲-۸۶	۲۹,۸ ۱۹۰۵	۵۰,۳ ۱۹۱۰
۶,۴ ۱۸۸۷-۹۱	۴۰,۴ ۱۹۰۶	۵۴,۷ ۱۹۱۱
۹,۵ ۱۸۹۲-۹۶	۲۴,۴ ۱۹۰۷	۵۵,۷ ۱۹۱۲
۱۲,۴ ۱۸۹۷-۹۰۱	۲۷,۶ ۱۹۰۸	۵۸,۳ ۱۹۱۳
۱۸,۰ ۱۹۰۲-۵	۳۷,۸ ۱۹۰۹	

تالونه مخصوص تمغا رسمی بوجه آتی حاصلات غیر صاقیه ویرممشدر .

میلیون مارق

۱۰,۰	۱۹۱۲	۳,۲ [۱] ۱۹۰۹
۱۳,۹	۱۹۱۳	۹,۵ ۱۹۱۰
		۱۱,۶ ۱۹۱۱

[۱] برنجی آغستوسدن اعتباراً .

حقوق فاكولته يى مجموعەسى

بوحاصلات تخمين ايدىلن حاصلاتك نصفه بيله بالغ اوله ميور .
كذلك يكي اولان چك تمغا رسمى بروجە آتى حاصلات غير صافيه ويرمىدر .

مليون ماركدر

۳,۲	۱۹۱۲	۳,۱	۱۹۰۹ [۱]
۳,۱	۱۹۱۳	۳,۶	۱۹۱۰
		۳,۲	۱۹۱۱

سنداه مخصوص تمغا رسومنده ۲۰ ميلیونلق فضلہ حاصلات، تأسيسندن برقاچ سنہ
صکرہ تأمين اولنہ بيلديكى حالده چك تمغا رسمى تخمين ايدىلن حاصلاتدن پك دون
قالمىدر . (۱۶۰۹ سنہ سنده حقده كى تخمينات ۱۳-۱۲ ميلیون درجه سنده ايدى) بونك
ايچوندر كه بالآخره لغو ايدلمىدر .
فراغ سنداته مخصوص تمغا رسمى — تخمين ايدىلن نتيجه يى همان برنجى سنده
ويرن يكانه رسمىدر .

مليون مارك اوله رق

۳۸,۶	۱۹۱۲	۲۶,۳	۱۹۰۹
۳۵,۴	۱۹۱۳	۴۵,۳	۱۹۱۰
		۴۲,۱	۱۹۱۱

۱۹۰۰-۱۸۹۴ سنه لرنده طرح ومختلف صورتلرده توسيع وتزويد ايدلمش اولان
عقود ومقاولات اوراقه مخصوص تمغا رسمى ۱۶۰۹ سنه سى اصلاحاتنده تعديل اولنمە مىدر .
حاصلات غير صافيه سى بروجە آتىدر .

مليون مارك اوله رق

سنه باشنه	وسطى اوله رق
۲۲,۱ ۱۹۰۹	۴,۰ ۱۸۸۲-۸۶
۲۴,۱ ۱۹۱۰	۱۱,۹ ۱۸۸۷-۹۱
۲۴,۶ ۱۹۱۱	۱۳,۴ ۱۸۹۱-۹۶
۲۴,۵ ۱۹۱۳	۱۴,۳ ۱۸۹۷-۱۹۰۰
۱۸,۶ ۱۹۱۳	

[۱] برنجى سنه دن اعتباراً

صوك سنه لرنده كوريلن تزايد حاصلات عمومى حيات اقتصاديه نك وبالخاصه بورسہ تداولنك تزايدندن ايلرى ككشدرد .

پياقتو بيلترينه مخصوص تمغا رسومى ۱۹۰۹ سنه سى اصلاحات مالیه سنه داخل دكلسه ده ايمپراطورلقه مخصوص بوتون تمغا رسومى موضوع بحث ايتمش اولق ايچون بوراده ايضاحى مناسب كورلمشدر . اول امرده شورامى نظر اعتباره آئمه ليدر كه ۱۸۸۱ سنه سى قانونيله داخل و خارجى پياقتو بيلترى آره سنده برفرق كوزه دلش وهر ايكي سى ايچون يوزده بش تمغا رسمى طرح اولمشدر . ۱۸۹۸ سنه سى بورسہ قانونيله بو رسم ايكي مثله و ۱۹۰۰ سنه سنده يكيدن تزييد ايديله رك داخل بيلتر ايچون يوزده يكرمى به خارجى بيلتر ايچون يوزده يكرمى بشه ابلاغ اولمشدر . دول متجده به مخصوص اولوب رسوم دولاييسيله ايمپراطورلك علاقه دار بولندينى حكومت پياقتولرينك تزايدى و خلقدہ بو كى پياقتولره قارشى رغبتك آرتمه سى نتيجه سنده بو رسومك حاصلاتى يواش يواش بويويه رك بوكون تمغا رسومى مياننده پك بويوك براهميت اكتساب ايتمشدر :

ميليون مارق اوله رق

وسطى اوله رق			
۱۸۸۲-۸	۶,۷	۱۹۰۱	۴۲,۷
۱۸۸۷-۹۱	۸,۰	۱۹۱۰	۴۲,۶
۱۸۹۲-۹۸	۱۴,۵	۱۹۱۱	۴۷,۰
۱۸۹۹	۲۱,۹	۱۹۱۲	۵۰,۲
۱۹۰۰	۳۰,۱	۱۹۱۳	۵۳,۸

(۱۰) بولجيہ تمغا رسومى ماصه رنى

ميليون مارق			
۱۸۸۱-۲	۶,۷۳	۱۹۱۰-۳۱	۱۸,۷۴
۱۸۸۱-۹	۶,۸۹	۱۹۱۱-۱۲	۱۹,۵۶
۱۸۹۸-۹۹	۱۰,۹۹	۱۹۱۲-۱۳	۲۰,۳۸
۱۹۰۹-۱۰	۱۸,۵۵	۱۹۱۳-۱۴	۲۰,۵۴

۱۸۷۹ سنه سندن برى بو رسومده بركونا تبدل حاصل اولمدينى حالده حاصلات

یوآش یوآش اوج منله بالغ اولمشدر . بوده آلمانیا ده حیات اقتصادی نك كوندن كونه
یوكله سی ، واعتبار معاملاتك تزیادی نتیجه سنده وجوده كیشدر .
Sydow طرفدن یاییلان اصلاحات مالییه تیقدیر مقصدیه ۱۹۰۹ حاصلاتیه
۱۹۱۳ حاصلاتی مقایسه ایدرسهك شو نتیجه حاصل اولور: [۱] . یكی ویرکیلردن تخمین
اولتان ۳۷۶ میلیون مارق فضله حاصلات یرینه حقیقت حالد ۲۴۳ میلیون مارق فضله
حاصلات تأمین ایدیه بیامشدر . یو اصلاحاتك غیر کافی اوله سی دولایسیله ۱۲۰ میلیون
مارق درجه سنده بر نقصان حاصل اولمشدر . قی الواقع بوزمانی تعقیب ایدن سنه لرده شكر
وشمندوفر بیلتلرینه مخصوص رسومده مأمولدن فضله حاصلات تأمین اولنشسه ده یو حال
عمومی نقصانه یویوك بر تأثیر اجرا ایده مه مشدر .

علم مالی مدرس معاون
م . قوشق

علم مالی مدرس
آشوره قوشق



[۱] بمقایسه ایستاتستیک نقطه نظرندن بستیون اعتراضدن عاری دكلدر . چونكه اسه پرتور سومنده کی
ارقام حاصلات صافیه بی ، دیگر رسومه دائر اولان رقلر حاصلات غیر صافیه بی احتوا ایدیور .
بوندن ماعدا سنه لرك بعضیلری قسماً سنه حسابیه ، بعضیلری سنه مالیه و بعضیلری ایشله مه سنه لرندن
عبارتدر .